

استشاره مجموعہ سي ادارہ - نه

ماڻه مملڪته دولته درجه مضر تي بوگون چوڄقلمزه وارنجه به قدر هرڪسجه اڪلاشلش اولان امتيازات اجنييه وعهود قديمه نك الفاسنه شهبث اولته جفي صرهده ودها طوغريسي او تشبثاته قبل الشروع اولبابده صرف ايديله جك مساعينك نمره بخش اولسي ايجون انخاڏي لازم ڪن تدابيرك بري وباسڪ برنجيسي اشبو مطالعه نامه ده موضوع بحث اولان مسئله ڪي فائده سر ومعتاسر بر طاقم پروزلرك آيقلاسي ماده سي ايدوڪنه اشبو اثرناچيز صاحبجه قناعت قطعيه حاصل اولديني ڪي بو خصوص حقتده ارباب اختصاصدن بعض ذوات ڪرامك رايه مراجعت ايدلده مطالعات مسروده طرفلرندن تصويب ايله برابر برآن اول انتظار عامه به وضعنه دخی تشويقات وترغيبانده بولنلديغندن نزدعايلرنده دخی مناسب ڪورلديكي حالده مجموعه مرغوبه ڪزك بر ڪوشه سنه درج اولتي اوزره مطالعه نامه مذڪورك بر قطعه صورتی تقديم قلنمغه اولبابده في ۱۹ ٽشرين ثاني سنه ۱۳۲۴ اسبق سيسام بكي يانقو ويطينوس

اجانبك ممالك عثمانيه ده تصرف املاڪنه دائر قرار نامه نك بر فقره

مختلف فيها سي حقتده مطالعه نامه

(اجانب ايله متزوج عثمانلو قاديئلرينك وراتي)

قرون عتيقه ووسطاده وحتى قرون متأخره اوائلنده يعني ازمئه قديمه دن برقاج عصر اولته ڪلنجه به قدر ڪره ارضك نقاط ساره سنده اولديني ڪي اوروپانك دخی اقوام وملل مختلفه سي آرهنده دائمي حال حرب وخصوصت جريان ايدوب اعلان حرب به لزوم اولمفسرين فرصت بولدقجه يڪديڪري اوزرينه هجوم وبرلرلرينك ممالڪفي ايتلا ايله اراضيلريني واموال منقوله وغيره منقوله لريني غضب ايله خصم اولان قومه منسوب افرادي اسير ايدرلر ايدى بو حال بالاده بيان اولنديني اوزره قرون متأخره به قدر دوام ايدوب آندن صكره اوروپا اقوام ومللري آرهنده ڪي - استشاره -

مناسبات بیوک بیوک تعدیلاته اوغرا مشدر . اشبو تعدیلاتك موضوع بمحتمز اوله جق مسئلهیه تعلق اولمیانلرندن صرف نظر ایله یالکیر ایضاح مقصده خدمت ایدیه جك بعضیسی ذکر اولنور . شویله که : مقدا بروجه مشروح جاری اولان خصومت دائمیه قاعده سنه بناء دولتلر آرسنده موقت صلح معاهده لری و متارکه لر عقد اولنمده ایکن مؤخرأ دائمی صلح معاهده لری عقد اولنمده باشلامشدر . بناء علیه مقدا ایکی دولت آرسنده کی معاهده صلحیه و متارکه موقته نك مدتی ختام بولور بولمز او ایکی دولت بربرلرینی خصم بیلوب یکدیگری نه خبر ویرمکسزین مخاصمانه باشلایه بیلور ایدی . بالعکس دائمی صلح معاهده لرینك عقدی عادت اولدقدن صکره ایکی دولت آرسنده محاربه نی مستلزم برزاع ظهور ایندکده صلح معاهده سی فسخ ایندکاربنی یکدیگری نه خبر ویرمینجه مخاصمانه باشلایه مامق دنی قاعده اتخاذ اولنمش و بو خبره اعلان حرب نامی ویرلمشدر . شو صورتله ازمئه قدیمده اوروپانك اقوام و ملل مختلفه سی صورت دائمیه بربرلرینه قارشو خصم و محارب عد اولنور کن ازمئه متأخرده اساساً حب عد اولنمده باشلادیلر . و تعبیر دیگرله ازمئه قدیمده ملتلر آرسنده حال حرب اصل و حال صلح خلاف اصل بیلنور کن ازمئه متأخرده اوروپا دولتلری آرسنده حال صلح اصل و حال حرب خلاف اصل طانلمشدر . اشبو قاعده اساسیه جدیده نك قبولی دول و مللک مناسباتجه اولوقه قدر مرعی طوتیلان خبلی قواعد فرعیه نك تعدیلله بک چوق قواعد جدیده نك اتخاذینی استلزام ایتمش و ایوم کرک بین الدول منعقد معاهداتده و کرک آرسره اجتماع ایلیان قونفرانس و قونفرملر قرارلرنده حقوق خصوصیه دوله یعنی افراد اهالینك مناسبات و معاملاتنه متعلق اولوقه اوزره مندرج بولنان احکام اول قدر چوغالمشدر که هر دولت کندی نمالکنده حکمی جاری اولوقه اوزره تنظیم و نشر ایلمیکی قوانین مجموعه لری قدر بیوک بر مجموعه تشکیل ایدر . بوندن بشقه مناسبت دوشدکجه هر دولت قوانین داخلیه نك سار دولتلره قارشو اولان تعهدات و مناسبات جدیده سنه توافق ایتمیان بعض ماده لرینی تعدیل ایتمش و یا خود تطبیقات خارجنده بر اقوب مجددأ دیگر احکام وضع ایلمشدر .

اوروپا دولتنه بحال حربك اصل عد اولنديني زمان هر مملكتده تبعه اجنبیه حقنده جاری اولوب صلح اصل و حرب خلاف اصل طائلد قد نصكره كلياً تعديل اولنش ويا مجیداً وضع ايدنش احكام قانونیه به مثال اوله رق مواد آتیه ايراد اولنور .

مثال اول : ازمنه قديمه و متوسطه ده بر دولت تبعه سنك ديكر دولتك ممالككنده حق ارفي يوغیدی بوندن تقريباً بر عصر اولنه كلنجيه قدر مثلاً فرانسه ممالككنده وفات ايدن بر اجنبيك وارث مجردی فرانسه قرالی عد اولنوب اقربا و تعلقاتی كلياً وراثتدن محروم ايديلر . قانونك فرانسه قرالنه طائيديني بوورائيت حقته «Droit d'aubaine» نامی و بر بلور كه بو تعبير تاريخچه مشهور در . اجانبك حق ارثدن كلياً محروميتی قاعده سی آهسته آهسته هر مملكتده او قدر تعديلاته اوغرامشدر كه اليوم بر كيمسه بر اجنبی مملكتده وفات ايدوبده ورثه قانونیه سندن كيمسه معلوم اولسه متوفاك تابع اولدینی دولته خبر و بر بلوب و غزته ملرده اعلان كيفيت ايدیلوب ورثه سی آراشدیریلور . و بولند قدده متوفاك اموال متروكه سی كندولرینه تسليم اولنور . و يا خود كندولرینه تسليم اولنق اوزره تابع اولدقاری دولتك خارجيه نظارتنه كوندیریلور . و بالجله دولترك قانونلری شو معاملاتك اجراسنه مساعد اوله جق صورتده تعديل اولنشدر .

مثال ثاني : مقدملرده بالجله اوروپا ممالككنده اجنبيلر تصرف املاك كنمؤع ايكن شمدی هر يرده و هر صورتله يعنی كرك شراء و كرك ارثاً و اسباب تملكك هر نوعيله استملاك املاكه حقاری واردر .

مثال ثالث : ازمنه قديمه ده بر دولت تبعه سی ديكر دولت تبعه سندن بر قادي نه ازدواج ايتديكي تقدیرده زوجه زوجه نك هر بری تابعیت اصلیه سی محافظه ايدیوردی . مثلاً بر فرانسه بر المانیالی قادی نيله تزوج ايتدكه زوج فرانسه لی قادی نی کبی قادی ن دخی آلمانیا تابعیتنی محافظه ايدیوردی . حالبوكه اليوم بالجله اوروپا ممالككلرنده مرعی اولان تابعیت قانونلرينك احكامنه نظرأ بر قادی ن كندوستك تابع اولدینی دوا لك تبعه سندن غیری بر كيمسه ايله تزوج ايتديكي آندن اعتبارأ

کندی تابعیت اصلیه سندن جیقوب زوجک منسوب اولدینی دولتک تابعیتنه کیرر .
 اشبو تعدیلات و تغیراتک اساسی بلاده ذکر اولنان قاعده جدیده عمومیه نک
 قبولیدر . مقدملرده اولدینی کبی بوکون دخی دولتلرک مناسباتنده حال حرب
 اصل و حال صلح خلاف اصل طائلش اولسه ایدی . الآن حقوق دول عمومیه
 و خصوصیه جه وقوعبولان تعدیلاتک همان هیچ بری میدانه کله مزدی . و بالعکس
 الیوم مرعی اولان قاعده بر اقلوبده قاعده عقیقه اعاده اولنق استنسله یعنی حال
 حرب اسکسی کبی حال اصل عد اولنسه یالکیز اوروپاده دکل بلیکه کره آرضک
 قطعات خمسهنده ساکن بالجله اقوام و مللک احوال سیاسییه و مدنییه سی کلیاً
 تحول ایدر .

دولت علیه اوروپانک هیئت دولیه سی خارجنده بولندینی مدتیجه بوکبی
 تعدیلات قانونیه به لزوم کورمیوب آنحق عهد قدیمه نامیله معروف عهدنامه لره
 تبعه اجنبیه به بعض حقوق بخش ایلش و از جمله مملاک عثمانیه وفات
 ایدن اجنبیلرک اموال متروک لریسه حکومت محلیه قارشمیوب متوفانک منسوب
 اولدینی دولت قونسولوسی معرفتیه ورنه سنه توزیع اولنسنه مساعده بیورمشدر .
 یعنی اوروپا ملتلی هنوز بر برلریسه حق وراثتی بیله لایقیله طایمقلری زمان
 دولت علیه آنلره حق وراثتی ویردکن ماعد اوقونسولسریهنده وراثت خصوصنده
 حق قضا طایمشدر . لیکن مؤخرأ اوروپا دولتلریله یکی اساس اوزریسه یعنی
 صلح دائمی صورتیه معاهده لر عقد ایلکه باشلادقن و خصوصیه هیئت دولیه
 اوروپاییه رسماً و معاهده داخل اولدینی ۱۸۵۶ سنه میلادی سی تاریخندن صکره
 حال جدیدک و (دها زیاده مألوف اولدیغمز بر تعییری استعمال اتمک اوزره)
 حکم زمانک ایجاب ایتدیردیک بعض نظامات نشر ایتمشدر . بونظاماتک بری
 تبعه اجنبیه نک استملاک املاکنه دائر اولان قرارنامه و دیگرى تابعیت عثمانیه
 نظامنامه سیدر . بونلرک بریله دولت علیه اجنبیلره استننا اولنان قطعه حجازیه دن
 ماعدا سائر بالجله ممالکنده تصرف املاک حقى بخش و دیگرىله تابعیت عثمانیه نک
 احکامی اوروپا دولتلری مناسباتجه الیوم جاری اولان صلح دائمی قاعده سنه

وهر مملكتده مرعى بولنان قوانین داخلیه احكامنه توفیق واز جمله تبعه اجنبیهك
تزوج ایلدیكى عثمانلی قادینلریك زوجلریك تابع اولدقلری دولتك تابعیتنه
داخل اولملیینه مساعده بیورمشد.

استملاك املاك قرارنامهسك نثری اولان ۷ صفر ۱۲۸۴ تاریخى متعاقب
تطبیقأئنده دوائر متعلقهسنجه بر مسئله ایشیه ظهور ایشمدرکه الیوم دوام ایشمکه
وباب عالی و شورای دوائى حالا اشغال ایلمکده در . شویله که معلوم اولدیغی
اوزره اوتدنبزر تبعه عثمانیه دن اولان قادینلر تبعه اجنبیه ایله زوج ایشمکدرنده
تابعیت اصلیه لرینى و بناء علیه ممالك شاهانده تصرف املاك حقى دخى محافظه
ایدرلردی اولادلری ایسه پدرلریك تابعیتنده یعنی تابعیت اجنبیه ده بولنوب تصرف
املاك حقندن محروم اولدقلردن سائر تبعه عثمانیه مثللو بوکی قادینلرک دخى
وفانلرنده اراضی و املاك متروکه لرینک تبعه اجنبیه دن اولان اولاد و اقاربینه انتقال
ایتمه چکی اراضی قانونک ماده مخصوصه سنده تصریح اولمشد . استملاك املاك
قرارنامهسك نثریله تبعه اجنبیه علی الاطلاق تصرف املاك حقى احراز ایشم
کرندن بریدرک و كذلك تبعه اجنبیه دن اولان بر والدهك متصرف اولدقلری
املاك تبعه اجنبیه دن بولان اولاد و اقاربینه انتقالی طبیعی کورنش و بوحاله
اعتراض کیسهك خاطربنه بیله کلامش ایدی اجنبیلرک تبعه عثمانیه دن اولان
زوجلرینه کلهنجه: بولنرک تابعیت بشقه و اولادلریك تابعیت بشقه بولندیغندن و بوحال
بروجه مشروح قانوناً مانع ایشمعد اولندیغندن بوکی والده لرایملاکک اجنبی اولادلرینه
تصرف حقى بخش ایدن قرارنامهك نثرندن صکره دخى توارث و انتقال ایدوب
ایتمه چکی حقنده دوائر متعلقهسنجه تردد حاصل اولمشد مطالعه عاجزانجه
بو ترددک سببی استملاك قرارنامهسك نثری و موقع اجرایه وضعی زماننده تبعه
اجنبیه ایله متزوج عثمانلی قادینلرینه صفت اجنبیه نی طایبان و آنحق قرارنامه
مذکور دن بش سنه صکره یعنی ۲۵ ربیع الاخر ۱۲۸۹ تاریخنده نشر اولنان
تابعیت عثمانیه نظامنامهسك هنوز نشر اولنممش اولمستندن ایرلرکشددر قرارنامه
ایله نظامنامهك ایکیمیده برابرجه نشر اولنش اولسه ایدی استملاك مسئله سی

ایله برابر وراثت مسئله سی دخی حل اولنمش اولورایدی هر نه حال ایسه مسئله نك
مدايتندن بروباب عالیجه بوباید ایکی رأی حاصل اوله رق بر رأیه کوره حقوق
وراثت مسئله ایله تصريف املاك حقوقی بر برینه مربوط بولندیغندن استملاك
املاك قرارنامه سیله تبعه اجنبیه املاك اوزرینه حق تصرفله برابر حق وراثت
دخی ویرلمش اولدینی و بناء علیه بر عثمانی قادینك اموال غیر منقوله سنه اجنبیدن
اولان اولادیلله سار اقرباسی وارث اوله سیله چکی درمیان اولنمش و رأی ثانییه
نظراً اولاً اختلاف تابعیت اختلافی دار دیمك اولوب اختلاف دار ایسه اساساً
مانع ارث ایدوکنه و ثانیاً تابعیت دولت علیه ده بولنان بر شخصك وفاقی وقوعنده
مالك اولدینی املاك و اموال و اراضیسنده تبعه اجنبیه دن اولان اولاد و اقرباسنك حق
انتقال و وراثتی اولدینی اراضی قانوننك یوز اونجی ماده سنده بشقه جه مصرح
اولوب بومنعوت ایسه رابطه تابعیتك محافظه سی مقصدینه مستند بولندیغنه
و ثالثاً املاك و میراث ماده لر ی یکدیگره مربوط اولیوب بشقه بشقه شیلر بولندیغنی
و استملاك املاك قرارنامه سیله اجانبك یالکتر املاك تصرفنه مساعد اوله رق
یوقسه تبعه سلطنت سنیه دن اولان مورثك اجانبدن بولنان اولاد و اقرابه حق
توارث ویرلمدیکنه مبنی تبعه دولت علیه دن بولنان بر قادینك املاك و اراضیسنه
استملاك املاك قرارنامه سنك اشیرندن صکره دخی تبعه اجنبیه دن اولان اولاد
و اقرباسنك حق انتقال و وراثتی اولدینی ادعا اولنمش و اکثریت اشیبو ایکنجی
رایده قلمش ایسه ده سفارات و تبعه اجنبیه بوکا قانع اولیوب هر بار مراجعت
ایتمکده اولدیغندن اجانبك استملاك املاکنه متعلق قرارنامه نك اشیرندن بوکون
قرق سنه مرور ایتمش اولدینی حالده مسئله دهها دون ظهور ایتمش کی شدتله
مذاکره اولنمقده بولنمشدر .

(ما بعدی کله چك نسخه ده)

اسبق سیسام بکی

یانقو و یطنوس